

Baloreak Zaindu eta Administratzeko Kontratua

Orria: 1/7

Balore-Kontuaren Kodea:

Bulegoa:

Agiri hau izenpetzen duten pertsonak legezko ahalmena aitortzen diote elkarri kontratu hau egiteko eta adostasun osoz Baloreak Zaindu eta Administratzeko kontratu hau formalizatzea erabaki dute. Kontratuak ondorengo baldintza orokor eta partikularrak izango ditu:

Parte-hartzaileak

Parte-hartzaile mota	IFZ/IFK	Izen-abizenak edo Arrazoi Soziala / Helbidea

Erabilgarritasuna:

Baldintza Partikularrak

Komisiok	Mota	Minimoa	Maiztasuna

Baloreen salerosketagatiko baldintza hauek gauzatzen den eragiketa bakoitzeko aplikatuko dira, bere iturburua bezeroaren agindu bakar bati baldin badagokio ere.

Lotutako Kontua:

Usufriktudunen Kontua:

I.D.

Cod. ETVAI01.DOT (12.2012)

Baldintza Orokorrak

1. Kontratuaren helburua

Kontratu honek TITULARRAK dituen edo EUSKADIKO KUTXAREN bitartez eskuratu dituen titulu-formako edo kontuan ohartarazitako baloreak eta finantza-tresnak zaintzeko eta administratzeko zerbitzua arautzen du, betiere baldintza partikularretan adierazitako baloreen kontu-kodearekin identifikatutako kontratu honetan sartuta badaude.

Baloreak eta finantza-tresnak gorde, zaindu eta itzultzeko berezko zerbitzuez gain, honako hauek dira kontratu honetan sartzen diren zerbitzuak:

- a) Zaindutako eta/edo administratutako baloreek eta finantza-tresnek sorturiko dibidendu, interes eta kupoiak kobratzea.
- b) Dibidendu pasiboak ordaintzea, titularrak horretarako nahikoa fondo hornitu ondoren.
- c) Amortizazioa dagozkion mugaegunetan kobratzea, betiere horren ordainketa edo kitapena behar den aurrerapenez eta forman argitaratu bada, eta trukaturako tituluak jasotzea.
- d) Zaindutako eta/edo administratutako tituluek dagozkien eskubideak gordetzeko behar diren egintzak.

2. Kontratuaren iraupena

Kontratu honek iraupen mugagabea izango du. Dena den, aldeetako edozeinek hautsi egin ahal izango du, nahi duenean, baldin eta hilabeteko aurrerapenez idatziz jakinarazten badu.

Kontratua amaituz gero, EUSKADIKO KUTXAK kontratua hausteko unean likidatzeko zituen eragiketen komisioak eta kontratua amaitzeko unean hasitako aldiari dagozkien tarifen zati proportzionala kobratzeko eskubidea izango du soilik. Kontratuaren hausturak ez du eraginik izango abian diren eragiketetan, eta horiek aplikagarri zaizkien baldintzen arabera arautuko dira.

Kontratu honen babesean bi hilabete iragaten badira balorerik edo finantza-tresnarik gordailatu gabe, EUSKADIKO KUTXAK ahalmena izango du kontratua bere aldetik hausteko, bezeroari alde aurretik erabakia komunikatu gabe.

Era berean, EUSKADIKO KUTXAK ahalmena izango du kontratua bere aldetik eta berehala hausteko, bezeroak zor dizkion komisioak ordaindu ezean, kreditu-arriskua badu, kapitalak zuritzeari buruzko araudia hausten badu edo merkatu-gehiegikeriak egiten baditu.

Kontratua EUSKADIKO KUTXAREN edo TITULARRAREN ekimenez hautsiz gero, azken horrek gordailatutako baloreak nora eraman nahi dituen jakinarazi beharko du, eta EUSKADIKO KUTXAK titularraren jarraibideak zuzen betetzeko konpromisoa hartzen du.

3. Euskadiko Kutxaren betebeharrak

EUSKADIKO KUTXAK honako betebeharrak hauek onartzen ditu:

- a) EUSKADIKO KUTXAK aldi behingo informazioa emango ditu TITULARRARI horren balore-kontuaren egoerari buruz, baita egindako eragiketa bakoitzaren likidazioak ere, gutxienez, honako aipamen hauek eginez: zenbatekoa, komisioak edo gastuak, horiek sorrarazi dituen kontzeptua, oinarri aplikagarria, aldia eta zergak zehatz-mehatz adierazita, baita, hala dagokionean, egindako likidazioak, exekutaturako aginduak eta partzialki betetakoak ere.

Baloreen egoerari buruzko informazioa urtean behin bidaliko da.

- b) EUSKADIKO KUTXAK berariazko informazioa emango dio TITULARRARI unean uneko azpigordailuzain izan litekeen entitatei buruz, zazpigarren klausulan hitzartutakoaren arabera.
- c) Jaulkitzaileei dibidenduak, interesak, batzarretara joateko primak, amortizazioak, kapital-itzulketak eta abar kobratzea. ... Kasu horretan, balio-data sortzapen-egunaren biharamunekoa izango da, kontabilitate-ondorioetarako.
- d) Jaulkitzaileei harpidetza-sariak, primak, kanbio-aldaketak eta abar ordaintzea. ... Kontabilitate ondorioetarako, balio-data sortzapen-egun bera izango da.
- e) Titularrek emandako jarraibideen arabera, harpidetza, trukaketa, saltzeko eskaintza publiko eta erosteko eskaintza publikoetara joatea, jarraibide horiek betetzeko.
- f) EUSKADIKO KUTXAK informazioa emango dio TITULARRARI horren finantza-tresnen gainean izan lezakeen edozein berme-eskubideri edo kargari buruz, horien baldintzei buruz eta tresna horien gainean izan lezakeen edozein konpentsazio-eskubideri buruz.

4. Titularraren betebeharrak

TITULARRAK honako betebeharrak hauek ditu:

- a) Baldintza partikularretan ageri den kontu atxikian egiten diren aginduei erantzuteko nahikoa saldo izatea. Kontu horretan islatuko dira zaindutako balore eta finantza-tresnei dagozkien ordainketa eta kobrantza guztiak.
- b) Baloreak gordailatzeko eta administratzeko kontratu honen iruzurrezko erabilerarik ez egitea.
- c) Ezarritako komisioak ordaintzea, hamargarren klausulan ezarritakoaren arabera.
- d) Kontratu honetan jasotako edo indarrean dagoen legediak agindutako gainerako betebeharrak.

Kapitalak Zuritzeari eta Terrorismoa Finantzatzeari Aurrea hartzeko indarrean dagoen legedia betez, EUSKADIKO KUTXAK nortasuna egiaztatzeko eskatu ahal izango dio TITULARRARI eta, hala dagokionean, titular errealei, baita haien jarduera ekonomikoari buruzko informazioa eta haien ondarearen edo kontratu honek xede dituen eragiketetan erabilitako fondoan jatorria argitzeko dokumentazioa ere.

5. Titulartasuna

Balore-kontua pertsona fisiko edo juridiko bakar baten edo hainbaten izenean ireki daiteke. Balore-kontuaren titulartasuna tituluen titulartasun juridikoarena da.

Titulartasuna hainbat pertsona fisiko edo juridikorena denean, baldintza partikularretan solidarioki edo era mankomunatuan diharduten adierazi beharko da. Dena den, horretaz ezer hitzartu ez bada, solidarioki dihardutela ulertuko da.

Titularren artean solidaritatea hitzartzen bada, ulertuko da titular kide guztiek elkarri ahalmena eman diotela, baita autokontratazioaren kasuan ere, edozeinek gainerakoek ordezkartuz kontratu honek ematen dituen eskubide guztiak erabiltzeko eta kontratu honi jarraiki gordailaturiko baloreak eskuratu, administratu eta erabiltzeko.

Titular solidarioen artean agindu kontraesankorrak daudenean, EUSKADIKO KUTXAK ez die erantzungo harik eta titularkide guztiak transakzio estrajudizialez edo auzitegien epai bidez bat etorri arte.

6. Baimenak

Balore-kontuaren TITULARRAK pertsona bati edo gehiagori baimena eman diezaike kontratu honetako eragiketa edo egintza guztiak egiteko.

Baimenduei edo ahaldunduei emandako ahalmenak, EUSKADIKO KUTXARI jakinarazi zaion eran izango dira baliozkoak, aldaketa, ukapen edo berriztapen-komunikazio fede-emailerik jasotzen ez den bitartean.

7. Azpigordailuzainak

TITULARRAK berariaz onartu du EUSKADIKO KUTXAK beste erakunde batzuei eman diezaikeela TITULARRAREN izenean dauden banakako kontuetako baloreak eta finantza tresnak gordailatzeko eta administratzeko ardura. Kasu horretan, EUSKADIKO KUTXA baloreak zaintzearen erantzule izango da TITULARRAREN aurrean bere kontuetan gordailatuta baleude bezala, eta alde zuzenetik informazioa emango dio entitate azpigordailuzainari buruz eta horren kreditu-kalitateari buruz, baita, hala dagokionean, entitate-aldaketari buruz ere.

Balore eta finantza-tresna horiek kontu globalak ("omnibus" kontuak) erabili ohi dituzten merkatuetan negoziatzen direnean, titularrek berariazko baimena emango diote EUSKADIKO KUTXARI horrelako kontuak haien izenean irekitzeko, Eranskinean haien kreditu-kalitatearen ondoan adierazitako entitateetan. Dena den, EUSKADIKO KUTXAK barne-erregistroak izango ditu uneoro, kontu globalatan gordailatuta dauden TITULARRAREN baloreen, finantza-tresnen eta uneko eragiketen egoera uneoro eta atzerapenik gabe ezagutzeko.

EUSKADIKO KUTXAK honako baldintza hauek hartuko ditu kontuan entitate azpigordailuzainak aukeratzeko:

- a) Balore-merkatuan ospe, esperientzia eta kaudimen frogatuak dituzten entitateak izatea.
- b) Aukeratutako entitateen ezaugarria indarrean dagoen legedia eta balore-merkatuko jardunbide egokiak betetzea izatea.
- c) Entitateen egoitza soziala baloreak eta finantza-tresnak edukitzea eta zaintzea ikuskatzeko araudia duten lurraldeetan izatea.
- d) Erreferentzia-merkatuetan zaintza-bolumen handiak izatea.

Nolanahi ere, kontu globalek arriskua hauek izan ditzaketela jakinarazten zaio TITULARRARI:

- a) Lege-arriskuak: horien artean azpimarratzekoak dira araudi aplikagarria eta TITULARRAREN eskubideak parekatzeko gatazka-arriskua eta bitartekariren batek egin litzakeen iruzurrezko jarduketak.
- b) Eragiketa-arriskuak: zaintza-entitateen katean hainbat bitartekari izateak eragindakoak.
- c) Zaintza-arriskuak: baloreak eta finantza-tresnak TITULARRAREN izenean ez daudenez, titulartasun erreala dagokion bitartekariak kontua estaltzeko adina titulu izatearen menpe dago.
- d) Bitartekaritza-arriskuak: kontu globalen erabilerak baloreen eta finantza-tresnen erabilgarritasuna aldi baterako murriztea, balioa narriatzea eta eskubide eratorriak galtzea eragin ditzake.

8. Baloreen eta finantza tresnen bermea

EUSKADIKO KUTXA Kreditu Entitateen Gordailuak Bermatzeko Fondoan dago sartuta. Hona hemen Fondoaren helburuak:

- a) Balore Merkatuaren Legeak aurreikusitako gordailuak -kreditu-entitateetan diruz zein balore eta finantza-tresnez egindakoak- bermatzea, gordailugileak finkatutako gehienezko zenbatekoraino.
- b) Zailtasunak dituzten kreditu-entitateen kaudimena eta funtzionamendua indartzea.

Cod. ETVAI01.DOT (12.2012)

Fondoaren bermeak inbertsiogilearen galera estaltzen du, egoera konkurtsalen, kaudimengabeziaren edo antzekoen ondorioz haren baloreak eta finantza-tresnak itzultzen ez bazaizkio. Bermeak ez du inolaz ere inbertsioaren balio-galerarik edo bestelako kreditu-arriskurik estaliko.

EUSKADIKO KUTXAK balore-kontuan gordailutatuko baloreak eta finantza-tresnak erabili ahal izango ditu bere kontura edo beste bezero baten kontura, edo tresna horien gainean baloreak finantzatzeko akordioak egin, baldin eta TITULARRAK horretarako berariazko baimena ematen badio. Hori eginez gero, kontratu honetan jasota geratuko da Eranskin gisa, eta, gutxienez, honako baldintza partikular hauek zehaztuko dira:

- a) EUSKADIKO KUTXAREN betebeharrak eta erantzukizunak.
- b) Itzultzeko baldintzak eta dagozkion arriskuak.
- c) Emandako baimenak zenbateko epea duen.
- d) Zer balore eta finantza-tresna diren.
- e) EUSKADIKO KUTXAK TITULARRARI baimenaren erabilerari buruzko informazioa emateko maiztasuna -gutxienez, sei hilean behin-.

9. Erantzukizunak

Baloreen TITULARRAK gordailaturiko baloreen jabetzaren legitimitatea defendatu egingo du EUSKADIKO KUTXAREN eta hirugarrenen aurrean. EUSKADIKO KUTXAK ez du horren balio edo legitimitateari buruzko inolako erantzukizunik.

Gordailuaren TITULARRARI edo baimendutako pertsoneri egin beharreko ordainketak, EUSKADIKO KUTXAK arduratsuki egingo ditu, kontratu honetan ezarritako baldintzen barruan. Dena delarik, EUSKADIKO KUTXAK ez du erantzukizunik hartuko bere gain honako hauetan egiten dituen omisio edo hutsegiteengatik: dibidendu eta amortizazioen kobrantzan, tituluen truke edo harpidetzan, dibidendu pasiboen ordainketan edo beste edozein eragiketetan. Era berean, arazo teknikoak, komunikaziokoak edo aginduak betetzeko arazoak izan baditu, ez du bezeroaren aginduak berandu jakinarazi edo betetzeagatik sor daitezkeen kalteen erantzukizunik izango, ezta EUSKADIKO KUTXARI egotzi ezin zaizkion bestelako ezinbesteko kasuetan ere.

Kontratu honetan onarturiko betebeharrak hausteak eragindako kalte eta galeren erantzuleak aldeak izango dira.

EUSKADIKO KUTXAREN erantzukizuna ez da gordailaturiko baloreetan gerta litezkeen kalte edo galeretara iritsiko, baldin eta horien arrazoia hauetakoren bat bada: jaulkitzaileen egoera konkurtsala edo kaudimengabezia, zaintza-entitateen kaudimengabezia edo funtzionamendu okerra, kontu globalen erabilera, edo erregistro-sistema desberdinak, baldin eta horien izendapena eta erabilera kontratu honetan edo indarrean dagoen legedian aurreikusitakoaren arabera egiten bada edo izendapena titularrek egin edo onartu badute.

10. Komisioak eta gastuak

Baloreen gordailaketak edo administrazioak une bakoitzean zehazten den komisioa sortuko du EUSKADIKO KUTXAREN alde, EUSKADIKO KUTXAK ezarri eta informazio-liburuxkan argitaraturiko tarifa eta modalitateei jarraiki. Liburuxka eman egin zaio bezeroari eta horrek, dokumentu hau sinatuta, hartze-agiri formala ematen du.

EUSKADIKO KUTXAK komisio hauen ezarpena edo aldaketa idatziz jakinaraziko die titularrei, eta horiek informazioa jasotzen dutenetik bi hilabeteko epea izango dute kontratu-harremana aldatu edo hausteko. Epe hori iragan bitartean ez dira tarifa berriak aplikatuko. Hala ere, aldaketa titularraren onerako baldin bada argi eta garbi, berehala aplikatuko zaio.

Kontratu honetan sartzen diren eragiketa eta zerbitzuak beste entitate batzuen bitartez bideratzen direnean, EUSKADIKO KUTXAK parte-hartze horri dagozkion komisio eta gastuak titularrari bidaltzen dion informazioan adieraziko ditu.

Emandako zerbitzuaren kalitatea handitzeko eta betiere TITULARRAREN interesik handiena lortzeko helburuz jardunda, EUSKADIKO KUTXAK komisioak, ordainsariak edo diruzkoak ez diren etekinak jaso edo eman ahal izango ditu, kontratu honen xede diren zerbitzuak emateagatik. Pizgarri horien munta edo, hala dagokionean, zenbatekoa zehazteko modua EUSKADIKO KUTXAREN webgunean (www.cajalaboral.es) edo sukurtsaletan ikus daiteke. Nolanahi ere, TITULARRAK pizgarri horiei buruzko informazio zehatza eskatu eta jaso ahal izango du.

11. Aginduak eta baloreen erabilera

Titularrei lehentasunezko eskubideak ematen dizkieten edo horien adostasuna behar duten balore gordailatu edo administratuen sozietate jaulkitzaileek iragarritako eragiketak, finantzarioak izan edo ez, idatziz jakinaraziko dira eta horien aginduak bete egingo dira, betiere, garaiz jasotzen badira eta, beharrezkoa bada, aldez aurretik fondoak hornitu badira. Erantzunik jasotzen ez bada, titularrak EUSKADIKO KUTXAK banku-ohitura eta praktiken arabera hartu duen erabakia onartzen duela ulertuko da.

Gordailaturiko baloreak erabiltzeko, beharrezkoa izango da horretarako ahalmena dutenen agindua, bosgarren eta seigarren baldintza orokorretan ezarritakoari jarraiki.

12. Atxikitako kontua

Kontratu honen ondorioz egin beharreko ordainketa eta zordunketa guztiak baldintza partikularretan adierazten den kontu atxikian egingo dira.

EUSKADIKO KUTXA ez dago behartuta titularraren aginduak betetzera, baldin eta aipaturiko kontuan agindu horiei erantzuteko adina fondorik ez badago.

Balore-Kontu kodea:	Eguna/ordua:	Orria: 5/7
---------------------	--------------	------------

EUSKADIKO KUTXAK bidalitako laburpen eta likidazioei TITULARRAK jasotzen dituen egunetik hamabost eguneko epean inolako eragozpenik jartzen ez badie, horiekin ados dagoela ulertuko da.

13. Konpentsazioa eta atzera egitea

Titularrak EUSKADIKO KUTXARI ahalmen ezeztazina ematen dio honako eragiketa hauek egin ditzan:

- Kontratu honetatik edo indarrean dagoen legeriatik sortzen diren mugaeguneraturiko obligazioei erantzuteko, baita aldez aurretik mugaeguneratzen direnei ere, zordunak EUSKADIKO KUTXAN dituen eskudiruen eta baloreen gordailuak, finantza-aktiboak eta kredituak erabiltzekoa.
- Titularraren izeneko gordailu batean behar ez zen ordainketaren bat egin denean, eragiketa hori indargabetzekoa.
- Bukaera onari baldintzatuta egindako ordainketen zenbatekoa atxikitzekoa, gordailuturiko baloreen ordainketa efektiboa egin arte.

14. Helbidea eta jakinarazpenak

Titularraren helbide bakarra baldintza partikularretan jasotzen dena izango da eragin guztietarako, nahiz eta titulartasuna hainbatena izan.

Helbidea aldatuz gero, idatziz jakinarazi beharko dio bezeroak EUSKADIKO KUTXARI.

Lege edo kontratuaren arabera egin beharreko komunikazio eta jakinarazpenak, komunikazio modu zehatz bat ezarrita dagoenean izan ezik, EUSKADIKO KUTXAK ondorengo modu hauetan egin ahal izango ditu:

- Baldintza partikularretan adierazi den titularraren helbidera bidalita.
- Dagokion sukurtsalean entregatuta, titularrak hala eskatzen duenean.
- Baliabide telematikoen bidez bezeroak emandako telefonora edo helbide elektronikora bidalita.
- Sukurtsaletako iragarki-taulan jarrita.

15. Titularren heriotza

TITULARRA hilez gero, oinordekoak eta, hala balegokie, baloreak eta finantza-tresnak zaintzeko kontratu honen gainerako titularrak behartuta daude EUSKADIKO KUTXARI heriotzaren berri ematera.

TITULARRA hiltzen denetik EUSKADIKO KUTXARI jakinarazi bitartean ematen diren aginduak, agindu-emailearen erantzukizunpean burutuko dira.

16. Jokabide arauak

EUSKADIKO KUTXA Balore Merkatuaren Legean eta xedapen osagarrietan edo horien ordezkoko arauetan aurreikusten diren jokabide-arauen eta informazio-baldintzen menpe jarri da.

17. Bezeroaren arreta zerbitzua

EUSKADIKO KUTXAK Bezeroaren arreta Zerbitzua du. Hona hemen helbidea: José Maria Arizmendiarieta pasealekua, zk./g., 20500 Arrasate (Gipuzkoa). Organo hori Bezeroaren Defendatzailearen baliokidea da eta bezeroek bertara bidal ditzakete erreklamazioak, idatziz. Nahitaezkoa da organo horretara jotzea Balore Merkatuaren Batzorde Nazionalen erreklamazioa aurkeztu baino lehen.

Zerbitzu horrek erreklamazioa ezesten badu, ebazpenak erreklamaziogilea gogobetetzen ez badu edo erreklamazioa aurkeztu denetik bi hilabeteko epean ebazpenik ez badago, erreklamaziogileak zuzen-zuzenean aurkeztu ahal izango du erreklamazioa Balore Merkatuaren Batzorde Nazionalako Inbertsiogilearen Arreta Bulegoan, helbide honetan: Edison kalea, 4, 28006 Madril.

18. Datu pertsonalen babesa eta tratamendua

- Parte-hartzaileei jakinarazten zaie, beraien datu pertsonalak EUSKADIKO KUTXAK Arrasaten –Jose Maria Arizmendiarieta pasealekua, zk.g.– duen Datuak Prozesatzeko Zentroko fitxategi automatizatuan erregistratuko direla, eta eurok eskubidea izango dutela datu horiek erabiltzeko, zuzentzeko eta ezabatzeko nahiz horiei aurka egiteko. Datu pertsonaltzat hartuko dira une honetan jasota daudenak eta etorkizunean jasoko direnak, horiekiko kontratu- edo aurrekontratu-harremanei eusteko eta kutzaren kudeaketa-lanetarako; atal horretan sartuko dira, halaber, EUSKADIKO KUTXAK bere edo beste batzuen informazio komertziala bidaltzeko erabiltzen dituenak ere. Parte-hartzaileek ontzat ematen dute EUSKADIKO KUTXAK edozein zerbitzu edo produkturen eskabidetik edo kontratutik eta edozein eragiketa edo transakziotatik jasotako datuei tratamendu automatizatua ematea, batetik, merkataritza-eskaintzak parte-hartzaileen ezaugarrietara egokitzeko eta, bestetik, partaideei finantza-aholkularitza pertsonala emateko. Parte-hartzaileek, helburu horrekin, arriskuak baloratzeko eta merkataritza-profilak lortzeko baimena ematen dute. Dena den, aukera dute datu-tratamendu horri uko egiteko ere. Bestalde, parte-hartzaileek espresuki baimena ematen diote EUSKADIKO KUTXARI, datu pertsonal horiek haren agentei edo haren Taldea (Seguros Lagun Aro Vida, SA eta Seguros Lagun Aro, SA –Basurtoko Kaputxinoen kalea, 6, 2, Bilbo–) osatzen duten edo etorkizunean osatuko duten hirugarrenei lagatzeko edo, hala egokituz gero, interkonektatzeko, horiek aseguruaren alorrean beren helburu sozialen edo jardueren arabera erabili ditzaten. EUSKADIKO KUTXAK agiri honen bidez ematen die parte-hartzaileei lagapen honen berri, lehen aipatu den

Cod. ETVAI01.DOT (12.2012)

helburuarekin. Gainera, parte-hartzaileek espresuki baimena ematen diote EUSKADIKO KUTXARI beren identifikaziorako datu pertsonalak eta beren merkataritza-ibilbideari buruzko datuak, egun EUSKADIKO KUTXAREN esku daudenak nahiz etorkizunean zurekin izan ditzakeen negozio-harremanen ondorioz lortuko dituenak, Caja Laboral, Bancaseguros, SLUren esku jartzeko (helbidea: J. M. Arizmendiarieta pasealekua zk.g., Arrasate, Gipuzkoa), erakunde horrek tratatu ditzan. Horrela, bere produktuak eta zerbitzuak eta hirugarrenenak komertzializatzeko merkataritza-informazioa era pertsonalizatuan eta baldintzarik abantailatsuenetan bidali ahal izango du. Horrek aukera ematen du segmentazioak egiteko, profilak sortzeko, publizitatea orientatzeko eta merkatu-prospekzioak egiteko, guztia merkataritza-eskaintzak parte hartzen dutenen ezaugarrietara egokitzeko xedez. Horri dagokionez, jakinarazten dizugu, zure datuak lagatzeari esker, honako jarduerasektore espezifikoko eta zehatz hauei buruzko informazioa eta publizitatea jaso ahal izango duzula: aseguru pribatuei, gizarte-aurreikuspenari eta banku- eta finantza-jarduerari buruzkoa. Era berean, parte-hartzaileek onartu egiten dute beren datu pertsonalak EUSKADIKO KUTXAREKIN lankidetzaz hitzarmenak dituzten beste batzuei lagatzea, horien produktu, zerbitzu edo leialtze-programei -Travel Club eta abar- buruzko informazio komertziala jasotzeko helburu bakarrarekin.

Parte-hartzaileek espresuki baimena ematen diete EUSKADIKO KUTXARI eta aurrez aipaturiko datuen lagapen-hartzaileei, bereziki, Caja Laboral, Bancaseguros, SLURI, merkataritza- eta publizitate-mezuak bidaltzeko komunikazio elektronikoen bitartez, hala nola, posta elektronikoz eta telefono mugikorrez. Publizitate-helburu horrekin, parte-hartzaileek baimena ematen diote EUSKADIKO KUTXARI, kontratuko edo aurrekontratuko harremanak bukatzen direnean beren datu pertsonalak erabiltzen jarraitzeko. Abenduaren 13ko 15/1999 Lege Organikoan aurreikusitakoaren arabera, parte-hartzaileek beren datuak lehen ezarri den bezala lagatzeko, merkataritza- eta arrisku-profilak lortzeko eta publizitatea igortzeko emandako baimena ezeztagarria da atzeraeraginik gabe. Horrela bada, ezeztatze eskubidea doan erabili ahal izango du, agiri hau sinatzeko unean bertan. Horretarako, emango zaion dokumentua bete beharko du. Baimen bat edo guztiak (datuen lagapena, profilak lortzea eta publizitatea igortzea) ezeztatu ahal izango ditu, dagokien laukitxoak markatuta. Ezeztatze dokumentu hori geroago ere edozein unetan erabili ahal izango dute parte-hartzaileek, sukurtsalera joan eta betetzen badute. Horrela betetako ezeztapenak indarra izango du, harik eta kontrako baimen berezi eta zehatza ematen den arte. Horregatik, ezeztapen-idazki horren ostean edozein agiri izenpetzeak ez du haren bidez jakinarazitako ezeztapena indargabetuko. Baimena ezeztatze beste bide batzuk ere badaude: Banka Elektronikoa Zerbitzua (CLNet) eta Bezeroarentzako Arreta Zerbitzua: PK: 2 - 20.500 Arrasate / Posta elektronikoa: Servicio.de.Atención.al.Cliente@CajaLaboral.es.

- B) Pertsona fisiko diren parte-hartzaileei jakinarazten zaie, beraien datu pertsonalak, arriskuaren identifikazioa, parte-hartzaileen eta arriskuaren ezaugarriak, batez ere arriskuaren zenbatekoari eta berreskuratzeko aukerari buruzkoak, eta indarreko lege- eta administrazio-xedapenek eskatzen dituzten gainerako datuak Espainiako Bankuak kudeatzen duen Arriskuak Jakinarazteko Zentralari eman behar zaizkiola ezinbestean. Zentral (CIR) hori jakinarazten gainean jarriko da, halaber, kreditatuek betebeharren bat betetzen ez dutenean. Pertsona fisikoak banakako enpresari gisa hartzen badu parte eragiketa honetan, enpresa-jardueraren barruan diharduela jakinaraziko zaio Zentralari.
- C) Ordainketak ez badira agiri honetan aurreikusitako moduan egiten, legeak ezarritako baldintzen arabera, ez-ordaintzeari buruzko datuak diruzko obligazioak ez betetzeari buruzko fitxategietan jaso ahal izango dira.

19. Araudi aplikagarria

Kontratu honetan esanbidez arautzen ez den guztiari eta, batez ere, parte-hartzaileek balore-merkatuan izan beharreko jokabide-arauei dagokienez, Balore Merkatuaren esanbidezko legedia eta hori garatzen duen araudia aplikatuko dira, baita 1/2007 Errege Dekretua, azaroaren 16koa, Kontsumitzaileen eta Erabiltzaileen Defentsarako Lege Orokorren testu bategina onartzen duena, kapitalak zurtzeari buruzko arauak, kontsumitzaileentzako finantza-trenen urrutiko merkaturatzeari buruzkoak eta aplikagarri izan litezkeen gainerakoak ere.

Kontu Globalei buruzko Eranskina

Balore edo finantza tresnak atzerriko balioen merkatuan negoziatu behar direnean, eta bertan, ohiko praktikatzat hartzen denez aginduaren hartzailea den entitatearen edo hirugarren entitate baten izenean zabalduzako kontu globalaren ("omnibus" kontuaren) erabilera, BEZEROA jakinarazten gainean jartzen da aipatu kontu globalen erabilgarritasunak murrizketak, balioen narriadura edota finantza tresnen galera ere ekar dezakeela arrisku espezifikoko edota lege- eta eragiketa-arriskuen ondorioz.

EUSKADIKO KUTXAK bananduta mantenduko ditu BEZEROAREN esku dauden balioen posizioa eta eragiketarako identifikatu eta ezagutzeko beharrezko dituen barne erregistroak, BEZEROAK konfiantzan emandako finantza tresnak bere kontura edo hirugarren baten kontura erabiltzeko inongo aukerarik izan gabe.

Agindua ematen den momentuan, EUSKADIKO KUTXAK ondorengo informazioa emandu du:

- Kontu globalaren entitate gordailuzaina
- Entitate gordailuzainaren herrialdea
- Entitate gordailuzainaren rating-a
- Kontu globalaren titularra: CECA
- Bezeroaren eta kontu globalaren titularraren finantza tresnak banatzea: BAI/EZ

Balore-Kontu kodea:

Eguna/ordua:

Orria: 7/7

Kontratu honen baldintza orokorretan eta partikularretan hitzartutakoa jasota geratzeko eta galdagarria izateko, eta baldintza orokorrak onartu eta ezagutzen direla eta tarifei buruzko informazio-liburuxka jaso egin dela frogatzeko, bi kopiatan eta eragin bakarrerako sinatu dute kontratu hau adierazitako tokian eta datan. Egintza honetan bezeroak kontratuaren ale bat jaso du, indarrean dauden arauei jarraiki.

Herria eta eguna:

Euskadiko kutzaren izenean:

Parte-hartzaileen sinadura:
